

Ջ. Ս. ԿՐԱՆՈՍՅԱՆ, *Առաջին համաշխարհային պատերազմը և արևմտահայությունը (1914—1916 թթ.)*, «Հայաստան» հրատարակչություն, Երևան, 1965, 512 էջ, գինը 95 հ.:

Վերջերս լույս տեսավ պատմական գիտությունների թեկնածու Ջ. Ս. Կրանոսյանի «Առաջին համաշխարհային պատերազմը և արևմտահայությունը (1914—1916 թթ.)» ծավալուն մենագրությունը, որը լուսարանում է հայ ժողովրդի մեծ ողբերգությունը՝ 1915—1916 թթ. եղեռնը:

Քննարկվող աշխատությունը կազմված է հետևյալ չորս գլուխներից. 1. Արևմտահայության ծանր գոյավիճակը Թուրքիայում պատերազմի նախօրյակին. 2. Հայկական հարցի վերաբերյալ առաջին համաշխարհային իմպերիալիստական պատերազմի սկզբին. 3. 1915 թ. մեծ եղեռնը. արևմտահայության գենոցիդը. 4. Միջագետքի իմպերիալիզմը Թուրքական ջարդարարության մեղսակից: Դիրքն ունի նաև վերջաբան և օգտագործված նյութերի, գրականության, անձնանունների ցանկ:

Մենագրության առաջին գլխում հանդամանորեն քննարկվում է 1908 թ. Երիտթուրքական հեղափոխությունից հետո օսմանյան կայսրությունում ստեղծված իրադրությունը՝ մասնավորապես ոչ թուրք ժողովուրդների ազգային և սոցիալական ճնշման ուժեղացման, ազգային-ազատագրական շարժումների զարթոնքի, Երիտթուրքերի մեծապետական շովինիզմի հետագա ակտիվացման առնչությամբ:

Երիտթուրքերի վերնախավային հեղաշրջումը չլուծեց հեղափոխության առաջադրած սոցիալական ոչ մի խնդիր: Օտարերկրյա կապիտալը, ուժեղացնելով իր ներթափանցումը Թուրքիա, ավելի ու ավելի կախման մեջ դրեց իրենից Երիտթուրքական իշխանությանը՝ տնտեսության և քաղաքականության բոլոր ոլորտներում: Հենվելով մինչև կապիտալիստական, ֆեոդալական շահագործման ձևերի վրա՝ եվրոպական կապիտալը ավելի անտանելի էր դարձնում բնագուրկ գյուղացիության շահագործումը՝ միշտ էլ հանդես գալով գյուղի պարագիտային տարրերի, պետական բյուրոկրատիայի հետ միասնական նախադրում: Այս գլխում հեղինակը առանձնակի ուշադրություն է դարձնում օսմանյան կայսրության ամենաազդեցիկ հարցին՝ ոչ թուրք ժողո-

վուրդների ազգային ճնշման վրա՝ բազմաթիվ փաստերով, չույց տալով, որ Երիտթուրքերը շարունակում էին ճնշված ժողովուրդների նկատմամբ արյունարբու Արդուլ Համիդի վարած քաղաքականությունը, դարձնելով այն ավելի հետևողական ու ինտենսիվ: Այդ էր պատճառը, որ կայսրության ոչ թուրք ժողովուրդների, մասնավորապես արևմտահայության սոցիալական և ազգային առանց այն էլ անտանելի գոյավիճակը ավելի վատթարացավ Երիտթուրքերի իշխանության օրոք: «Կայսրության ճնշված ժողովուրդների աչքում, — իրավացիորեն ընդհանրացնում է հեղինակը, — թուրքական պետական բյուրոկրատիան՝ ոչ արտագրող, մակարոյժ, սպառող տարրը, դարձրեց շարունակ տիրապետելով հանդես էր գալիս և՛ սոցիալական հարստահարչի, և՛ ազգային ճնշման մարմնավորողի դերում» (էջ 15):

Ուշագրավ են գրքում բերված վիճակագրական տվյալներն ու համեմատությունները արևմտահայության թվական փոփոխությունների, ինչպես և Արևմտյան Հայաստանի վարչական ձևափոխությունների վերաբերյալ, որոնք ցույց են տալիս համաշխարհային առաջին պատերազմին նախորդած 50 տարիների ընթացքում հայ ազգաբնակչության նկատմամբ Թուրքիայում կիրառված ջարդարարական քաղաքականության էությունը: Ժառանգելով այդ քաղաքականությունը Արդուլ Համիդից, Երիտթուրքերը ամենայն մանրամասնությամբ սկսեցին մշակել հայերի բնաջնջման ծրագիրը: Հեղինակին հաջողվել է ճիշտ կերպով լուսարանել Երիտթուրքերի վերնախավային հեղափոխությունը, փաստական հարուստ նյութի հիման վրա ցույց տալ Երիտթուրքերի տիրապետության օրոք պանիսլամիզմի և պանթուրքիզմի հետագա զարգացումն ու խորացումը:

Հեղինակն անդրադառնում է նաև հայերի գենոցիդի նախապատրաստման գործում թուրքական շովինիստական պրոպագանդայի կատարած դերին: Այդ պրոպագանդան ամեն կերպ շարաշահում էր մահմեդական ֆանատիզմը, նրան հաղորդում ավելի սանձարձակ բնույթ:

երիտթուրքական պրուպագանդան թունավորում էր թուրք ազգարնակչության գիտակցությունը ռասայական մոլեռանդությամբ, թուրքերին համարելով այնպիսի բարձր ազգ, որը կուշված է միայն տիրապետելու և իշխելու համար: Ոսմանյան կայսրության մեջ կիրառվող պաշտոնական քաղաքականության նպատակն այս խնդրում այն էր, որ ընչազուրկ և քաղցած ամբողջ իր բոլոր էթնախտությունների համար մեղավոր համարեր ոչ թուրք ժողովուրդներին: Եվ այս հողի վրա սփռվել էին խորանում ազգամիջյան ներհակությունները: Երիտթուրքերը ժխտում էին ազգային հարցի առկայությունը և անտեսելով, որ թուրք ժողովրդի ազգային գիտակցության բարձրանալուն զուգընթաց բարձրանում էր նաև մյուս ժողովուրդների ազգային գիտակցությունը՝ ձգտելով էին ակտիվ ասիմիլացիայի ենթարկել կայսրության ոչ թուրք ժողովուրդներին, շովինիստական մի նպատակ, որին հարմարեցնում էին իրենց գործունեությունը ինչպես պետական օրգանները, այնպես էլ թուրքական մամուլն ու զինվորական իշխանությունները: Եվ ինչպես սիշտ կերպով նշում է հեղինակը, որքան խորանում էր հուսախաբությունը սահմանադրական կարգերից, իթթիհատականների շովինիստական քաղաքականությունից, արևմտահայ ազգային բուրժուազիան, մտավորականությունը, երիտաբարդությունը, ժողովրդի մյուս խավերը երես էին թերում թուրքական պետական մարմիններից, հանգում այն եզրակացության, որ այդ նոր ուժերի պայմաններում նույնպես հայերը դատապարտված էին աստիճանական ունչացման, որ հայ մարդու կյանքի, գույքի, պատվի ապահովության խնդիրը չի կարող լուծվել թուրքական պետականության շրջանակներում: Առաջին գլխի վերջում հեղինակը հանգում է ճիշտ եզրակացության, նշելով հայ ժողովրդի արևմտյան հատվածի բնաշնչման պլաններում արտաքին գործոնների համեմատությամբ ներքին ազդակի՝ թուրքական շովինիզմի սև դերի առաջնությունը: «Մինչև 1914 թվականը,— գրում է նա,— երիտթուրքերի որդեգրած հայաչինջ գործելակերպը բարձրացված էր պետական քաղաքականության աստիճանի և միայն առիթ էր պետք, որ նա դառնար համապարփակ, ընդգրկելով ամբողջ արևմտահայությունը» (էջ 85):

Աշխատության երկրորդ գլխում պատմական լայն ֆոնի վրա հեղինակը քննում է արևմտահայության ճակատագրի հետ կապված մի շարք լական հանգամանքներ, որոնք սերտորեն առնչվում էին արևելյան հարցում միջազգային դիվանագիտության և մեծ տերությունների զավթողական պլանների հետ՝ առաջին համաշխարհային պատերազմի նախապատրաստման և նրա շանձագերծման սկզբնական շրջանում: Նա ան-

դրադառնում է բալկանյան պատերազմներին, որոնք առիթ հանդիսացան, որպեսզի Ռուսաստանի օգնությամբ թուրքական լուծը թոթափելու, արևմտահայությանը ազատագրելու հարցերը լայնորեն քննության առնվելին հայկական հասարակայնության բոլոր շրջաններում: Սորից վերաբացվում էր հայկական հարցը՝ դիվանագիտական խաղերի և կեղծ փարիսեցիական խոստումների ասպարեզ բացելով իմպերիալիստական տերությունների քաղաքականության համար: Բնորոշելով այդ ժամանակ լայն տարածում գտած մտայնությունը, հեղինակը ճիշտ կերպով նշում է, որ ըստ էության թերագնահատվում էր թուրքական ռազմա-ֆեոդալական բռնապետության մահարկը ուժը և ընդհակառակը՝ գերագնահատվում էր եվրոպական դիվանագիտության, եվրոպական գործիչների պատռնական ճառերի նշանակությունը:

Հեղինակը հանգամանորեն քննարկում է Արևմտյան Հայաստանում ակնկալվող բարենորոգումների հարցը, անդրադառնում կոմկասահայ կուսակցությունների դիրքին: Այս գլխում առանձնապես հաջող է վերլուծված ցարական կառավարության քաղաքականությունը հայկական հարցում: Այդ վերլուծությունը նա կատարում է եվրոպական տերությունների հետ ուսական կայսրության արտաքին հարաբերությունների բարդ ու հակասական ոլորտում, յուրյց տալով ցարիզմի հետապնդած իրական նպատակներն ու ձգտումները, որոնք ամբողջապես բխում էին նրա իմպերիալիստական պլաններից: Ցարական կառավարությունը ամեն կերպ փորձում էր օգտագործել հայկական հարցը իր զավթողական նկրտումների իրագործման համար: Հեղինակը զգալի տեղ է հատկացրել նաև այն նպատակների բացահայտմանը, որ հետապնդում էին կայսերական Գերմանիան, Անգլիան և Ֆրանսիան Մերձավոր Արևելքում, մասնավորապես արևմտահայության հարցում: Եթե անգլիական և ֆրանսիական զաղութային շրջանները, նշում է նա, թուրքիայում ուժեղ կապեր ունեին հայկական ու հունական աուտրական, գործարար շրջանների հետ և այդ կապերը որոշակի չափով մասնավոր բնույթ ունեին, ապա գերմանական կապիտալը հենվում էր թուրքական կառավարության օժանդակության վրա, կապված էր վեր բարձրացող թուրքական ազգային բուրժուազիայի, բուն պետական ապարատի հետ:

Հանգամանորեն բնութագրելով գերմանաթուրքական մերձեցման նպատակներն ու նշանակությունը, հեղինակը հանգում է հետևյալ եզրակացության. «Գերմանական իմպերիալիզմի զաղափարախոսներն էին, որ հանդես եկան թուրքական կառավարողներին ուսուցանողի, նրանց կանխարկական մտահղացումներ պատվաստող-

ների դերում (էջ 138): Բազմաթիվ փաստերով մերկացնելով այն «նուրբ խաղը», որ ցուցադրում էին իմպերիալիստական Անգլիան ու Ֆրանսիան արևմտահայության հարցում, հեղինակը ցույց է տալիս նրանց հեռուն դնացող դադոթատիրական-զավթողական ձգտումների բուն էությունը: Անգլիան ամեն կերպ ձգտում էր կասեցնել Ռուսաստանի ազդեցության ոլորտի մեծացումը Արևելյան Անատոլիայում, վախճելով, որ այդ հանդամանքը հետագա սպառնալիք կդառնա բրիտանական գաղութային տիրապետությանը և զգալի հարված կհասցնի նրա զավթողական պլաններին: Թուրքիայի ամբողջականության պահպանումը արևելյան սահմաններում, այսպիսով, շատ ձեռնտու էր Անգլիային և յիովին համապատասխանում էր նրա շահերին՝ մեծ տերությունների միջև ստեղծված ուժերի փոխհարաբերությունների պայմաններում: Ֆրանսիան նույնպես հետապնդում էր քայքայվող օսմանյան կայսրությունից մաքսիմում բաժին կորզելու նպատակը և հայկական հարցի աշխուժացումը լուրջ պատահ առիթ, հարմար միջոց էր ֆրանսիական դիվանագիտության ձեռքին՝ Թուրքիայի վրա ճնշում գործադրելու, իր բուն նպատակներին հասնելու համար:

Կանգ առնելով հայկական բարենորոգումների, Արևմտյան Հայաստանի ազատագրության խրնդրում իմպերիալիստական տերությունների բռնած դիրքի վրա, բաղահայտելով նրանց միջև առկա հակասությունները, ցույց տալով նրանց հետապնդած բուն նպատակները, հեղինակը հանդում է հետևյալ եզրակացության. «Այսպիսով, Արևմուտքի բուրժուական շրջանները, նրանց թերթերն ու գործիչները ամեն կերպ բորբոքում էին հայկական հարցը: Ինչ խոսք, որ նրանց շարքում կային բարի կամեցողության բազմաթիվ սոաջադեմ մարդիկ, որոնք ազնիվ միտումներ ունեին, բարեկամական ղգացմունքներ էին տածում բազմաշարժար հայ ժողովրդի նկատմամբ: Եւայց այդ ամենը ոգտագործվում էր այն ժամանակ միջազգային կյանքում ամենազոր իմպերիալիզմի կողմից՝ իր ընչաքաղց պլաններին համապատասխան» (էջ 158):

Աշխատության երկրորդ գլխում այնուհետև խննդության են առնվում մի շարք հանգուցային հարցեր՝ կապված առաջին համաշխարհային պատերազմի սկզբնական շրջանի, պատերազմի մեջ Թուրքիայի մտնելու և այդ առնչությամբ Արևմտյան Հայաստանի ազատագրության խնդրում դրսևորված նոր երևույթների հետ:

Փաստալից ու հանգամանորեն է շարադրված նաև մենագրության երրորդ գլուխը, որը նվիրված է արևմտահայության գենոցիդին: Հեղինակը ամենայն մանրամասնությամբ ցույց է տվել, որ երիտասարդ թուրքերը պատերազմը համա-

րում էին լավագույն առիթը՝ իրագործելու իրենց աանխայամական և պանթուրքական ագրեսիվ շրագրերը: Ապահովելով Դերմանիայի աջակցությունը, նրանք պատերազմի սկզբի շրջանում իրագործեցին նախապես ծրագրած իրենց գաղանային մտադրությունը՝ հայ ժողովրդի բնաջրնջումը տեղահանության անվան տակ:

Հեղինակն իրավացի կերպով շեշտում է այն իրողությունը, որ թուրք զահիճները հայերի մասսայական վտարումը դեպի արաբական անմարդարնակ անապատները սկսել էին նախքան վանի ինքնապաշտպանական կռիվները: Նա կոնկրետ փաստերով ապացուցում է, որ հայերի տեղահանությունն ու բնաջնջումը թուրքական կառավարության նախօրոք մշակած ծրագրի կենսագործումն էր:

Հեղինակը բազմաթիվ և խոսուն փաստերով կրկին անգամ հավաստում է, որ թե՛ Արևմտյան Հայաստանում և թե՛ օսմանյան կայսրության մյուս վիլայեթներում հայերի ջարդն ու կոտորածը եղել է համատարած, չեն խնայել ոչ ոքի: Ամբողջական ջարդից մասամբ ղերծ մնացին Թուրքիայի երկու քաղաքները միայն՝ Ստամբուլն ու Իզմիրը: Երիտասարդ թուրքերի կառավարությունը ոչ մի քանք չէր խնայում քողարկելու իր ոճիրը, որը իրականացվում էր ամբողջ կայսրությունում: Սակայն այդ բոլոր փորձերը անհետևանք մնացին: Ամբողջ աշխարհին հայտնի դարձան երիտթուրքերի անօրինակ գաղանությունները:

Աշխատության այս գլխում ղգալի տեղ է հատկացված արևմտահայության ինքնապաշտպանական կռիվներին: Հեղինակը հանգամանորեն նկարագրում և գնահատում է այն հերոսական դիմադրությունը, որին հանդիպեցին թուրք ջարդարարները վանում, Շապին-Գարահիսարում, Ուրֆայում, Մուսա լեռան վրա և այլ վայրերում:

Մենագրության մեջ առանձնակի խոսվում է նաև այն ղանգվածային ջարդերի մասին, որ իրենց մշակած ծրագրին համապատասխան՝ ամենաբարբարոսական միջոցներով իրականացրին երիտթուրքական կառավարողները 1915 թ. հետո, օսմանյան կայսրության հարավային շրջանները, գլխավորապես Միջագետքի, Միդիայի անապատները քշված հարյուր հազարավոր հայ տարագիրների նկատմամբ, որոնք հիմնականում կանայք էին և յոթ տարեկանից ցածր երեխաներ: Հեղինակի բերած բազմաթիվ փաստերը և դրանց համակողմանի վերլուծությունները հաստատում են նրա այն ընդհանրացումը, որ «թեև յուրաքանչյուր վիլայեթում կամ շրջանում հայ ժողովրդի տեղահանության, աքսորի կամ կոտորածի եղանակների, տեղական իշխանությունների գործելակերպի ու «հնարամտություն» միջև առկա էին տարբերություններ,

առանձնահատկություններ, սակայն ընդհանուր առմամբ ամենուրեք կատարվում էր նույնը՝ «բոլորակի սխառնումով և ծրագրով» (էջ 345)։

Աշխատության շորորոդ՝ վերջին գլխում լուսարանվում է այն հարցը, թե ինչպիսի դիրք բռնեց միջազգային իմպերիալիզմը 1915—1916 թթ. հայկական կոտորածների նկատմամբ։

Հեղինակը արդարացիորեն նկատում է, որ մեծ եղեռնի ժամանակ երիտթուրքերի կառավարությանը ամեն կերպ հովանավորում և օժանդակում էր Թուրքիայի դաշնակիցը՝ կայզերական Գերմանիան։ «Թուրքական ջարդարարական քաղաքականության գլխավոր ոգեշնչողը կայսերական Գերմանիան էր։ Այդ քաղաքականությունը համընկնում էր նրա էքսպանսիոնիստական, միլիտարիստական պլաններին... ինչպես ներքին ու արտաքին քաղաքականության բազմաթիվ հարցերում, հայկական հարցը յուրովի լուծելու գործում նույնպես, էնվերս—Բալեաթ—Ջեմալ եռյակն ուներ Թուրքիայում ծառայող գերմանական զինվորականության և մյուս ներկայացուցիչների կատարյալ օժանդակությունը» (էջ 359)։

Ինչպես ցույց են տալիս փաստերը, երիտթուրքերի ղեկավարները (էնվերս, Բալեաթ և մյուսները) հայկական կոտորածները իրագործելու իրենց դիվային ծրագրին նախօրոք տեղյակ են պահել գերմանական պաշտոնական անձանց և ստացել նրանց համաձայնությունը։ Գերմանական սպաները մի շարք տեղերում անմիջականորեն օժանդակում էին թուրքական կառավարությանը հայկական կոտորածները կառավարելու գործում, իսկ Վիլհելմ II-ի մերձավոր անձինք իրենց հրապարակային հայտարարությունների մեջ փորձում էին արդարացնել թուրքական ջարդարարներին իրավացի էր Հոնոլդի «Թայմս» թերթի թղթակիցը, որը դեռևս 1916 թ. գրում էր. «Հայերի անխնա կոտորածը ատելության բռնկման Ֆլետանք չէր։ Պա մտածված փորձ էր, կազմակերպված Կ. Պոլսում և ի կատար ածված գերմանական սպաների օգնությամբ, նպատակ ունենալով իրագործել «պանթուրքական դադափարը»՝ բոս գերմանական գրող ղուկտուր Ռորբախի ծրագրի» (էջ 369)։

Գերմանական կառավարության այս ունակություն, հակահայկական քաղաքականության դեմ իրենց ձայնը բարձրացրին գերմանացի մի շարք ազնիվ և առաջադեմ գործիչներ։ Առանձնապես պետք է նշել այն, որ գերմանական պրուլետարիատի առաջնորդ Կարլ Լիբկեխտը 1916 թ. սկզբին հարցապնդումներ կատարեց ռախստագրում և մերկացրեց թուրքական դահիճներին ու նրանց գերմանական հովանավորողներին։ Աշխարհի առաջադիմական մամուլը արձագանքեց

Կ. Լիբկեխտի հարցում-բողոքին և այն պաշտպանություն գտավ շատերի կողմից։

Ինչ դիրք բռնեցին արևմտյան մյուս պետությունները՝ Անգլիան, Ֆրանսիան և Ամերիկայի Միացյալ Նահանգները։ Խոսելով այս մասին, Կիրակոսյանը իրազմար նկատում է, որ հայ ժողովրդի իրավունքների ու արդար գործի մասին խոսող այդ տերությունները հայկական եղեռնի նկատմամբ ցուցարներեցին հանցագործ անտարբերություն և չձեռնարկեցին ոչ մի գործնական քայլ՝ կանխելու կամ դադարեցնելու թուրքական ջարդարարների կողմից իրականացվող մեծ ուժերը։ Մասնավորապես ամերիկյան կառավարությունը, որն, ինչպես հայտնի է, մինչ 1917 թ. չեղոր դիրք էր բռնել և չէր մասնակցում պատերազմին, կարող էր ազդել թուրքական կառավարության վրա, բայց նա չդիմեց վճռական միջամտության և սահմանափակվեց միայն ձեռնարկ հայտարարություններով։ 1915—1916 թթ. հայկական եղեռնի ժամանակ բոլոր «մեծ պետություններն» էլ հանդես բերեցին միայն երկերեսանիություն և փախսեցիություն։

Գրքի վերջաբանում հեղինակը համառոտ կերպով կանգ է առնում այն ծանր քաղաքական վիճակի վրա, որ ստեղծվեց Անդրկովկասում և մասնավորապես Արևելյան Հայաստանում 1918 թ. թուրքական նոր ագրեսիայի հետևանքով։ Անհրաժեշտ փաստերի հիման վրա հեղինակը դալիս է այն միանգամայն ճշմարիտ եզրակացության, թե հայ ժողովուրդը իր օրհասական վիճակից փրկվելու միայն շնորհիվ այն բանի, որ Հայաստանում հաստատվեց սովետական իշխանություն։

Ինչպես տեսնում ենք, Ջ. Կիրակոսյանի գրքում առաջ են քաշված և լուծված բազմաթիվ խնդիրներ, որոնց թվում և մի շարք խճողված, մինչև օրս չլուսարանված հարցեր։ Հեղինակի հիմնական եզրակացությունները ճիշտ են և հիմնավոր։ Աշխատության մեջ, իհարկե, կան նաև ձևակերպումներ, մտքեր, որոնք կարող են առաջ բերել առարկություններ, բայց դրանք մեծ մասամբ կապված են երկրորդական հարցերի հետ։

Սեզ թվում է, որ գրքում պետք է տրվեր գրականության տեսություն։ Ընթերցողը շատ կշահեր, եթե իմանար, թե քննարկվող հարցերի վերաբերյալ ինչ գրականություն և ինչ տեսակետներ կան։

Հեղինակը կարողացել է գիտականորեն հաղթահարել թեմայի բարդությունը, որը կապված է ինչպես արժարժվող հարցերի բազմազանության, այնպես էլ այն հանգամանքի հետ, որ հայ ժողովրդի պատմության այդ ժամանակահատվածի մի շարք պրոբլեմներ դեռևս բավարար չափով չեն լուսարանված մեր պատմագրության կողմից։ Ուսումնասիրելով և լայնորեն

օգտագործելով համապատասխան արխիվային նյութերը, պարբերական մամուլը և առկա պատմագիտական գրականությունը ինչպես հայերեն, այնպես էլ ռուսերեն և օտար լեզուներով, հեղինակը բազմակողմանի քննության է առնում արևմտահայության ճակատագիրը այն դժնդակ տարիներին, հոր իմպերիալիստական տերությունների սանձազերծած համաշխարհային պատերազմը նպաստավոր պայմաններ ստեղծեց երիտթուրքերի կառավարության համար՝ իրա-

գործելու հայ ժողովրդի ֆիզիկական ռնաջնջման յախապես մշակված իրենց հրեշավոր ծրագիրը: Մեթոդոլոգիական ճիշտ ելակետը և պատմականության սկզբունքի կիրառումը, փաստական նյութի բազմակողմանի օգտագործման պայմաններում, հնարավորություն են տվել հեղինակին ստեղծելու արժեքավոր աշխատություն, որ կարողացվում է մեծ հետաքրքրությամբ:

Կ. ՔԱՐԱՄՅԱՆ

ԼԿՈՒԱՐԿ ԶՐԲԱՇՅԱՆ, *Թումանյանի պոեմները*: Պետական համալսարանի հրատարակչություն, Երևան, 1964, 507 էջ, գիծը 1 ու 14 կ.:

Թումանյանի, իրեն հայ ազգային ամենախոշոր բանաստեղծի գնահատման պատմությունը հետաքրքրական շատ կողմեր ունի: Լավագույն թումանյանական ստեղծագործությունները նրանց հրապարակման տարիներին երբեմն սառը կամ մերժողական վերաբերմունքի են արժանացել: 1910-ական թվականներից է սկիզբ առել Թումանյանի ստեղծագործության ուժն ու խորությունը աստիճանաբար հասկանալու և գնահատելու ժամանակաշրջանը: Սակայն որքան էլ այդ զարմանալի թվա, դրականագիտական միտքը ղեկստ իրական ժամանակ տարրեր, հաճախ լուրջ վերապահություններ էր անում Թումանյանի ստեղծագործության արժեքի վերաբերյալ: Նույնիսկ Թումանյանին բարձր գնահատող գրականագետները թումանյանական հանձարի ողջ մեծությունը և կախարդանքը լիովին չէին տեսնում: Հետաքրքրական է, որ ոչ թե գրականագետները, այլ գրողներն ու բանաստեղծներն էին առաջինը, որ զգացին, թե ինչպիսի հսկա է խոյացել հայ մշակույթի անուստանում:

Միայն 1930 և մանավանդ 1940-ական թվականներին էր, որ գրականագիտական միտքը սկսեց ավելի խոր թափանցել Թումանյանի ստեղծագործության մեջ: Սկսեցին լուրջ փորձեր անել Թումանյանի արվեստի, նրա մարդասիրական մեծ գաղափարների լիարժեք ըմբռնման ուղղությամբ:

Գրականագիտության ասպարեզում արդեն գիտակցվում էր Թումանյանի արվեստի իրական ուժը, բայց թիչ գեպքերում էր այդ գիտակցեցվածը խոր ու բազմակողմանի վերլուծության առարկա դառնում և հրապարակ հանվում: Վաղուց ի վեր զգացվում էր մի ծանրակշիռ ուսումնասիրության պակասը:

Ահա այդպիսի ուսումնասիրություն է գրականագետ Էդուարդ Զրբաշյանի «Թումանյանի

պոեմները» գիրքը: Այսօր դա ամենահանգամանալից և, ամենայն իրավամբ, ամենարժեքավոր ուսումնասիրությունն է՝ նվիրված Թումանյանի ստեղծագործությանը:

Անկասկած է, որ Թումանյանի ստեղծագործության մեջ նրա պոեմները կենտրոնական տեղ ունեն, ուստի և կարողանալ ճիշտ գնահատել այդ պոեմները, նշանակում է հիմնականում ճիշտ արժեքավորել նաև դրոդի ողջ ստեղծագործությունը: Այստեղից էլ պարզ է, որ Զրբաշյանի ընտրած թեման այնպիսին է, որ հաղթահարել այն, նշանակում է մի զգալի չափով հաղթահարել Թումանյանի ողջ ստեղծագործության գիտական գնահատման հարցը: Մյուս կողմից, Թումանյանի ողջ ստեղծագործությունը մի անքակտելի միասնություն է, և ուսումնասիրության համար այնտեղից ընտրել զուտ ժանրային, այսինքն՝ ձևական առումով իրար հետ առնչվող մի շարք գործեր, փոքր-ինչ վտանգավոր է: Մի աննկատ անզգուշություն, և գրականագետը կարող է ընկնել միակողմանի գնահատականների խաբուսիկ ուղին: Զրբաշյանի գրքի մի կարևոր արժանիքն արդեն այն է, որ պոեմների քննությունը կատարված է Թումանյանի ողջ ստեղծագործության, ինչպես և նրա սշխարհայացքի, գեղագիտական ու բարոյագիտական ըմբռնումների ողջ համակարգի հաշվառմամբ՝ Թումանյանի պոեմները մեկուսացված չեն քննվում, այլ դիտվում են իրեն գրողի ստեղծագործության անբաժանելի օղակները և միշտ համադրվում ու համեմատվում են թումանյանական մյուս ստեղծագործությունների հետ, հաճախ վերլուծվում են նրանց օգնությամբ: Նույնիսկ ավանդաբար իրարից տառերը դիտված թումանյանական ստեղծագործությունները իրար համադրելով՝ հեղինակը ցույց է տալիս նրանց ներքին ընդհանրությունը: Այդ տեսակետից ուշագրավ է «Ինչպիսի անհունը»